



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 423
e – mail: info@voda.ba

Broj: **UP-1/21-3-40-431-4/25**
Datum: **05.11.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Halilović“ d.o.o. Sarajevo, Ilijaš za donošenje rješenja o vodnoj dozvoli za aktivnost ispuštanja oborinskih onečišćenih voda i specifičnih uticaja koji mogu nastati pri aktivnostima na eksploataciji mineralne sirovine krečnjaka na kamenolomu „Sakibov biser“, lokalitet Šabanci, općina Ilijaš, na osnovu člana 109. stav (1) tačka 2. i stav (2) tačka 1. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Halilović“ d.o.o. Sarajevo, Ilijaš, daje se vodna dozvola za aktivnost ispuštanja oborinskih onečišćenih voda i specifičnih uticaja koji mogu nastati pri aktivnostima na eksploataciji mineralne sirovine krečnjaka na kamenolomu „Sakibov biser“, lokalitet Šabanci, općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokaciji objekata, detaljnog dinamičkog plana ulaganja urađenog od strane pravnog lica (broj: 27-10/2025. od 27.10.2025. godine) i pod slijedećim uslovima:
 - 3.1. Da se izvođenje radova na prostoru površinskog kopa vrši u skladu sa uobičajenom praksom za ove aktivnosti, te u skladu sa uslovima iz ove vodne dozvole.
 - 3.2. Da se u periodu važenja ove vodne dozvole, u skladu sa detaljnim dinamičkim planom ulaganja, a u skladu sa članom 26. stav (3) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) realizuju aktivnosti na vanjskom uređenju:
 - 3.2.1. Izgradnja taložnika u lijevom boku površinskog kopa. Krajnji rok za realizaciju ove aktivnosti je mjesec april 2026. godine.
 - 3.2.2. Izgradnja taložnika u desnom boku površinskog kopa. Krajnji rok za realizaciju ove aktivnosti je mjesec april 2026. godine.
 - 3.2.3. Izgradnja obodnog kanala do taložnika u lijevom boku. Krajnji rok za realizaciju ove aktivnosti je mjesec april 2026. godine.
 - 3.2.4. Izgradnja obodnog kanala do taložnika u desnom boku. Krajnji rok za realizaciju ove aktivnosti je mjesec april 2026. godine.
 - 3.2.5. Izrada projektne dokumentacije u skladu sa činjeničnim stanjem na terenu sistema za prikupljanje, tretman i ispuštanje tretiranih voda preko monitoring okana u definisani recipijent (obodni kanal pristupnog puta)-hidro faza. Krajnji rok za realizaciju ove aktivnosti je mjesec april 2026. godine.
 - 3.3. Da se objekti čija je svrha odvođenje i prečišćavanje oborinskih onečišćenih voda (slivnici, taložnici, kanali za prihvat oborinskih voda i dr.) redovno održavaju i koriste na način koji će obezbijediti njihovu potpunu ispravnost i funkcionalnost.

- 3.4. Prečišćene vode prije ispuštanja u recipijent trebaju ostati u maksimalno dozvoljenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj: 26/20, 96/20, 1/24).
- 3.5. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).
- 3.7. Ukoliko Vlada Kantona Sarajevo propiše dodatne (strožije) uvjete za ispuštanje otpadnih voda u površinske vode, od uvjeta definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.8. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz taložnika, revizionih šahtova i kanala i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.11. Da se istrošena ulja, nauljene krpe i sav opasan otpad redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, u skladu sa članom 26. stav (1) Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja do 30.04.2026. godine, uz uslov da se aktivnosti obuhvaćene tačkama 3.2.1. do 3.2.5. dispozitiva rješenja u cijelosti poštuju.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „Halilović“ d.o.o. Sarajevo, Ilijaš obratio se ovoj Agenciji sa zahtjevom za donošenje rješenja o vodnoj dozvoli za aktivnost ispuštanja oborinskih onečišćenih voda i specifičnih uticaja koji mogu nastati pri aktivnostima na eksploataciji mineralne sirovine krečnjaka na kamenolomu „Sakibov biser“, lokalitet Šabanci, općina Ilijaš, a koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada površinskog kopa.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

A. Opća dokumentacija

- Aktuelni izvod iz sudskog registra, 065-0-RegZ-25-009608 od 24.07.2025. godine izdat od strane Općinskog suda u Sarajevu – kopija,
- Uvjerenje o poreznoj registraciji od 09.03.2015. godine izdato od strane Kantonalnog poreznog ureda Sarajevo - kopija,
- Uvjerenje o registraciji/upisu u Jedinствeni registar obveznika neizravnih poreza, broj:04/1-17-1-UPJR/1-2106-2/15 od 26.03.2015. godine izdato od strane Uprave za indirektno-neizravno oporezivanje Banja Luka - kopija,
- Ugovor o koncesiji za istraživanje i eksploataciju mineralne sirovine krečnjaka na lokalitetu „Šabanci“, Općina Ilijaš potpisan sa Vladom Kantona Sarajevo, broj:0701-9118 od 07.09.2018. godine – kopija,
- Zemljišnoknjižni izvadak Katastarska općina:SP_Hadžići-Crna Rijeka, broj:065-0-NAR-18-010252, Zemljišnoknjižni uložak broj 1054 izdat od strane Općinskog suda u Sarajevu - kopija,
- Rješenje o okolinskoj dozvoli, broj:05-23-16452/18VI od 22.05.2019. godine izdato od strane Federalnog ministarstva okoliša i turizma – kopija,
- Zaključak, broj:05-19-5911-3/24 od 19.11.2024. godine izdat od strane Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo – kopija,
- Rješenje, broj:07-05-18-13472-10/19 od 24.03.2020. godine izdato od strane Ministarstva privrede Kantona Sarajevo – kopija,
- Rješenje, broj:07-04-18-14925-2/18 od 24.12.2018. godine izdato od strane Ministarstva privrede Kantona Sarajevo – kopija,
- Rješenje, broj:05/1-19-777/20 od 07.12.2020. godine izdato od strane Službe za prostorno uređenje i zaštitu okoliša općine Ilijaš – kopija,
- Detaljni dinamički plan sa aktivnostima i finansijskom procjenom za izgradnju i puštanje u rad sistema prikupljanja, tretmana i ispuštanja otpadnih voda, broj:27-10/2025 od 27.10.2025. godine,
- Punomoć podnosioca zahtjeva, broj:7-10/2025 od 07.10.2025. godine,
- Dokaz o uplaćenju federalnoj upravnoj pristojbi na zahtjev

B. Tehnička dokumentacija:

- Glavni projekat postrojenja za eksploataciju i preradu tehničko građevinskog kamena krečnjaka, sa pratećim objektima, urađen od strane „Ibis“ d.o.o. Zavidovići, broj: 22-IB-G/20, april 2020. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uvidaj na prostoru površinskog kopa–kamenoloma „Sakibov biser“, lokalitet Šabanci, općina Ilijaš i tom prilikom sačinjen Zapisnik o izvršenom uvidaju broj:UP-1/21-3-40-431-2/25 od 24.10.2025. godine. Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Pravno lice „Halilović“ d.o.o. Sarajevo, Ilijaš ishodovao je rješenje o vodnoj saglasnosti za aktivnost ispuštanja oborinskih onečišćenih voda i specifičnih uticaja koji mogu nastati pri aktivnostima na eksploataciji i preradi mineralne sirovine krečnjaka na kamenolomu „Sakibov biser“, lokalitet Šabanci, općina Ilijaš, a koje mogu privremeno ili trajno degradirati kvalitet voda ili ometati

poboljšanje njihovog postojećeg kvaliteta u postupku i rada površinskog kopa, a na osnovu projektne dokumentacije: Glavni projekat postrojenja za eksploataciju i preradu tehničko građevinskog kamena krečnjaka, sa pratećim objektima, urađen od strane „Ibis“ d.o.o. Zavidovići, broj: 22-IB-G/20, april 2020. godine, broj: UP-I/25-2-40-209-3/20 od 28.05.2020. godine.

- U skladu sa zahtjevima iz rješenja pravno lice je trebalo postupiti i na terenu realizovati:
 - radove na prikupljanju, odvođenju, tretmanu i ispuštanju oborinskih onečišćenih voda sa radnih, saobraćajnih i pripadajućih manipulativnih površina,
 - nakon izvođenja radova sistema odvodnje i prečišćavanja oborinskih onečišćenih voda bilo je potrebno izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - bilo je potrebno da se nakon predviđenih uređaja za tretman otpadnih voda, a prije njihovog upuštanja u putni kanal lokalnog pristupnog puta izvrši ugradnja revizionih šahtova na svim ispuštima, a u svrhu praćenja kvaliteta efluenta (monitoring),
 - u cilju osiguranja prostora na kojem je bilo planirano cisterna sa naftom i naftnim derivatima trebalo je izgraditi vodonepropusnu tankvanu istog ili većeg kapaciteta od kapaciteta rezervoara,
 - površinu na kojoj je bilo planirano pretakanje ulja, masti i nafte bilo je neophodno izgraditi otpornu na djelovanje naftnih derivate,
 - manipulativnu i parking površinu bilo je potrebno izvesti sa odgovarajućim nagibima i pripadajućim slivnicima.
- Pravno lice „Halilović“ d.o.o. Sarajevo, Ilijaš na terenu nije postupilo u skladu sa projektnom dokumentacijom na koju je izdato rješenje o vodnoj saglasnosti
- Pravno lice na terenu ne vrši skladištenje i ne posjeduje cisternu za pretakanje nafte. Potrebne količine naftnih derivata za rad mehanizacije po potrebi dovozi i pretače u rezervoar- 1 bager.
- Nisu izgradili prateće objekte: priručnu radionicu sa kanalom, skladišni prostor, kancelarije, vagu, taložnik te nisu ugradili separator ulja i masti, monitoring okna, slivnike, kanale, nije izvršeno betoniranje radno-manipulativnog platoa. Stabilna drobilica nije instalirana.
- Pravno lice servisiranje i popravku mehanizacije (1 bagera) vrši u radioni Podlugovi ili u ovlaštenom servisu CAT d.o.o. Sarajevo.
- Investitor je odustao od izgradnje ovih objekata iz razloga što je mineralna sirovina lošeg kvaliteta i eksploatacija se vrši samo povremeno i upitna je buduća eksploatacija.
- Pravno lice je dostavilo detaljni dinamički plan aktivnosti sa finansijskom procjenom i rokovima realizacije, broj: 27-10/2025 od 27.10.2025. godine.
- U skladu sa dinamičkim planom planirano je da se realizacija na terenu, a koja će se ogledati u izgradnji taložnika (lijevi i desni), obodnih kanala (lijevi i desni) te korekcija projektne dokumentacije u skladu sa činjeničnim stanjem na terenu sistema prikupljanja, transporta i tretmana oborinskih onečišćenih voda sa otkopne etaže i radno-manipulativnog platoa tj. tretmana prikupljenih voda okonča do kraja mjeseca aprila 2026. godine.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Halilović“ d.o.o. Sarajevo, Ilijaš ispunio minimum uslova za izdavanje vodne dozvole za aktivnost ispuštanja oborinskih onečišćenih voda i specifičnih uticaja koji mogu nastati pri aktivnostima na eksploataciji mineralne sirovine krečnjaka na kamenolomu „Sakibov biser“, lokalitet Šabanci, općina Ilijaš, a koje mogu

privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada površinskog kopa, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.


Voditelj postupka:

mr Selma Merdan, dipl.inž.geol.

Prilog: Tehnička dokumentacija navedena pod tačkom B obrazloženja rješenja

Po ovlaštenju

Rukovodilac sektora za izdavanje vodnih akata



Nihad Pezo
Nihad Pezo, dipl.inž.grad.

Dostaviti:

- „Halilović“ d.o.o.

Obala br.27, 71330 Ilijaš, (sa prilogom),

AVP Sava, ISV – Vodna knjiga,

- Sektor 50,

- Sektor 40, arhiva,

- Oglasna ploča-AVP Sava